



## Patakarang sa Pinansiyal na Tulong para sa Pasyente ng HFH

### Patakarang

Ang Patakarang sa Pinansiyal na Tulong ng HFH para sa Pasyente (“patakarang”) na ito ay dinisenyo upang talakayin ang pagiging kuwalipikado para sa pinansiyal na tulong ng mga pasyente na nangangailangan ng pinansiyal na tulong at tumatanggap ng pang-emerhensiya at iba pang medikal na kinakailangang pangangalaga mula sa Henry Ford Health (“HFH”), at ito ay nalalapat sa bawat isa sa mga Pasilidad ng HFH na nakalista sa Appendix A at sa kanilang mga kaakibat na klinika (“mga Pasilidad ng HFH”). Ang lahat ng pinansiyal na tulong ay sumasalamin sa dedikasyon ng HFH na ituring ang bawat pasyente nang may dignidad, paggalang, at malasakit.

Ang listahan ng mga Tagapagkaloob ng Serbisyo ng HFH na nagbibigay ng pang-emerhensiya o iba pang medikal na kinakailangang pangangalaga sa mga Pasilidad ng HFH, na sinasaklaw ng patakarang ito at hindi, ay pinapanatiling nakahiwalay sa website ng HFH ([henryford.com](http://henryford.com)). Ang listahan ng mga Tagapagkaloob ng Serbisyo ng HFH ay maaaring makuha nang libre, online at sa papel, mula sa website ng HFH o sa pamamagitan ng pagtawag sa isa sa mga Pasilidad ng HFH na nakalista sa Appendix A.

### Mga Kahulugan:

- **Mga Halagang Karaniwang Sinisingil (Amounts Generally Billed, AGB):** ang mga halagang karaniwang sinisingil para sa pang-emerhensiya o ibang medikal na kinakailangang pangangalaga sa mga indibidwal na may seguro na sumasaklaw sa naturang pangangalaga.
- **Pang-emerhensiyang Pangangalaga:** ang paggamot sa medikal na kondisyong hayagang makikita sa pamamagitan ng mga matinding sintomas na may sapat na kalubhaan (kabilang ang malubhang pananakit), kung saan maaaring mangyari ang mga sumusunod kapag hindi agad nabigyan ng agarang medikal na atensiyon:
  - Pagkakalagay sa kalusugan ng indibidwal (o tungkol sa buntis na babae, ang kalusugan ng babae at ang kanyang hindi pa ipinapanganak na sanggol) sa seryosong panganib,
  - Seryosong kapansanan sa mga paggalaw ng katawan, o
  - Seryosong pagkasira ng anumang organo o bahagi ng katawan, o
  - Tungkol sa buntis na babae na nagkakaroon ng paghihilab ng tiyan (contractions) – (a) na hindi sapat ang oras para ilipat nang ligtas sa ibang ospital bago manganak o (b) na maaaring maging mapanganib sa kalusugan o kaligtasan ng babae o hindi pa pinapangananak na sanggol ang paglipat.
- **Tagapaggarantiya:** ang taong responsable para sa bill ng pasyente maliban sa pasyente.
- **Kita ng Sambahayan:** kasama dito ang mga kita bago ibawas ang mga buwis, bayad sa pagkawala ng trabaho, bayad-pinsala sa mga manggagawa, Panlipunang Seguridad (Social Security), Suplementong Pangseguridad na Kita (Supplemental Security Income), tulong sa publiko, mga bayad sa mga beterano, benepisyong namatayan, pensiyon o kita sa pagreretiro, interes, dibidendo, upa, royalty, kita mula sa ari-arian (estate), trust, tulong pang-edukasyon, sustento, suporta sa anak, tulong mula sa labas ng sambahayan, at iba pang mga pinagmumulan. HINDI kasama rito ang mga benepisyong hindi salapi gaya ng mga food stamp at subsidiya para sa pabahay o mga kita at lugi ng kapital. Kung namumuhay ang isang tao kasama ng kanyang pamilya, dapat isama ang kita ng lahat ng miyembro ng pamilya ng sambahayan (kasama ang mga kinakasama) maliban kung ang mga miyembro ng pamilya ay nagbabayad ng upa at/o hindi mga dependiyente ng may-ari ng bahay. Hindi dapat isama ang mga hindi kamag-anak gaya ng mga kabahay. Dapat tukuyin ang katayuan ng pagiging dependiyente batay sa bawat kaso.
- **Komite sa Pinansiyal na Tulong ng Henry Ford:** Binubuo ng tatlong miyembro ng mga pinuno na itinatakda ng Bise Presidente ng Cycle ng Kita.

- **Tagapagkaloob ng Serbisyo ng HFH:** isang may kasanayan sa pangangalagang pangkalusugan na may mga klinikal na pribilehiyo na kinakailangan upang magsagawa ng mga serbisyo sa isang Pasilidad ng HFH.
- **Mga Medikal na Kinakailangang Serbisyo:** ay ang wasto at kinakailangan para sa diyagnosis o paggamot ng iyong medikal na kondisyon, ay ibinibigay para sa diyagnosis, direktang pangangalaga, at paggamot ng iyong medikal na kondisyon, natutugunan ang mga pamantayan ng mabuting medikal na pagsasanay sa iyong lokal na lugar, at hindi pangunahing para sa kaginhawaan mo o ng iyong tagapagkaloob ng pangangalagang pangkalusugan

### **Pamantayan para Pagiging Kuwalipikado para sa Pinansiyal na Tulong:**

Ang kuwalipikasyon para sa pinansiyal na tulong ng HFH sa ilalim ng patakarang ito ay pagpapasiyahan para sa bawat kaso sa ilalim ng isa sa mga sumusunod na paraan, at kung natutugunan ang pamantayan sa ari-arian, kung naaangkop, ayon sa inilalarawan sa ibaba. Ang mga pasyenteng hindi nakakatugon sa pamantayan para sa kuwalipikasyon sa ilalim ng patakarang ito ay maaaring kuwalipikado para sa pinansiyal na tulong sa ilalim ng ibang mga programa sa pinansiyal na tulong na iniaalok ng HFH, kabilang ang ibang mga programang nakabase sa komunidad. Para sa higit pang impormasyon tungkol sa mga programang ito, pumunta sa [henryford.com](http://henryford.com).

Ang pinansiyal na tulong sa ilalim ng patakarang ito ay nilalayong gamitin bilang huling dulugan na tagabayad. Bago isaalang-alang ang diskuwento bilang pinansiyal na tulong, maaaring iatas ng HFH sa pasyente na mag-apply para sa Medicaid o ibang programa sa tulong ng gobyerno.

Inirereserba ng HFH ang karapatang bawiin ang anumang pag-apruba para sa pinansiyal na tulong kung malaman na ang impormasyong ibinigay mo sa proseso ng aplikasyon ay hindi tumpak o kumpleto. Kung mangyari man ito, aabisuhan ang pasyente at/o Tagapaggarantiya at siya/sila ang magiging responsable para sa pagbabayad.

### **Paraan sa Pagiging Kuwalipikado (1) - Tradisyonal:**

- Permanenteng paninirahan sa Estados Unidos ng Amerika.
- May personal na tirahan sa mga pangunahing lugar ng serbisyo ng HFH, na binubuo ng mga County ng Wayne, Macomb, Oakland, at Jackson. Para sa mga pasyenteng gustong magpagamot sa isang Pasilidad ng HFH na matatagpuan sa labas ng mga county na nakalista sa itaas, maaaring maging kuwalipikado para sa pinansiyal na tulong ang pasyente kung ang kaniyang permanenteng tirahan ay nasa loob ng limang milya mula sa palibot ng Pasilidad ng HFH.
- Gustong magpagamot sa isang Tagapagkaloob ng Serbisyo ng HFH sa isang Pasilidad ng HFH.
- Ang taunang pinagsama-samang Kita ng Sambahayan ay hanggang sa 400% ng Pederal na Antas ng Kahirapan (Federal Poverty Line o "FPL"). Maaaring maging kuwalipikado sa 100% diskuwento ang pasyenteng may taunang kita na nasa o mas mababa sa 250% ng pederal na antas ng kahirapan. Maaaring maging kuwalipikado sa bahagyang diskuwento ang pasyenteng may taunang kita na 251% hanggang 400% ng pederal na antas ng kahirapan. Tingnan ang Mga Talahanayan ng Nagagalaw na Antas (Sliding Scale Tables) sa ibaba para sa mga iba't ibang diskuwento para sa mga pasyenteng may seguro at walang seguro.

### **Paraan sa Pagiging Kuwalipikado (2) - Katastropiko:**

- Mga pasyenteng nakaipon ng malaking medikal na utang sa Pasilidad ng HFH, sa loob ng 12 buwan, bilang resulta ng katastropikong medikal na sitwasyon, na nagresulta sa sariling gastos na lampas sa 30% ng kanilang kabuuang taunang Kita ng Sambahayan
- Permanenteng paninirahan sa Estados Unidos ng Amerika
- May personal na tirahan sa mga pangunahing lugar ng serbisyo ng HFH, na binubuo ng mga county ng Wayne, Macomb, Oakland, at Jackson. Para sa mga pasyenteng gustong magpagamot sa

isang Pasilidad ng HFH na matatagpuan sa labas ng mga county na nakalista sa itaas, maaaring maging kuwalipikado para sa pinansiyal na tulong ang pasyente kung ang kaniyang permanenteng tirahan ay nasa loob ng limang milya mula sa palibot ng Pasilidad ng HFH.

- Gustong magpagamot sa isang Tagapagkaloob ng Serbisyo ng HFH sa isang Pasilidad ng HFH.

Ang mga pasyenteng nakakatugon sa kuwalipikasyon sa itaas para sa pinansiyal na tulong ay magiging kuwalipikado sa sumusunod na diskuwento:

- la-adjust ang natitirang medikal na utang ng mga pasyente sa 30% ng kanilang Kita ng Sambahayan.
- Ang mga pasyenteng kuwalipikado sa ilalim ng parehong Paraan 1 at Paraan 2 ay makakatanggap ng alinman ang mas malaki sa dalawang diskuwento.

### **Paraan sa Pagiging Kuwalipikado (3) - Ipinagpapalagay (Presumptive):**

- Maaaring magpasya ang HFH ng kuwalipikasyon para sa pinansiyal na tulong gamit ang ipinagpapalagay na batayan; gamit ang pagmamarka ng ikatlong partido, mga referral mula sa mga programang nakabase sa komunidad, at mga pag-apruba ng mga programa ng gobyerno batay sa kita.
- Ang mga pasyenteng nakakatugon sa kuwalipikasyon sa ipinagpapalagay para sa pinansiyal na tulong ay maaaring maging kuwalipikado para sa bahagyang diskuwento, o buong diskuwento na 100% sa Pang-emerhensiya at ibang Medikal na Kinakailangang Pangangalaga. Maaaring maging kuwalipikado sa 100% diskuwento ang pasyenteng may taunang kita na nasa o mas mababa sa 250% ng pederal na antas ng kahirapan. Maaaring maging kuwalipikado sa bahagyang diskuwento ang pasyenteng may taunang kita na 251% hanggang 400% ng pederal na antas ng kahirapan. Tingnan ang Mga Talahanayan ng Nagagalaw na Diskuwento sa ibaba para sa iba't ibang diskuwento para sa mga pasyenteng may seguro at walang seguro.

### **Mga Balanse ng Pasyente na Kuwalipikado para sa Pinansiyal na Tulong**

Ang mga balanse ng pasyente na kuwalipikado para sa diskuwento na pinansiyal na tulong sa ilalim ng patakarang ito ay maaaring kabilangan ng, ngunit hindi limitado sa:

- Mga halaga ng coinsurance, deductible, at copayment
- Mga singil para sa mga pasyenteng sinasaklaw ng isang planong pangkalusugan na walang kontraktwal na ugnayan sa HFH, o kapag ang tagapagkaloob ng HFH ay hindi nakikilahok sa network ng planong pangkalusugan
- Mga singil para sa mga pasyenteng may seguro na nagamit na ang lahat ng kanilang mga benepisyo
- Mga singil para sa mga hindi sinasaklaw na serbisyong ibinibigay sa mga pasyenteng sinasaklaw sa ilalim ng mga programang Komersiyal, Medicare, o Medicaid
- Mga singil sa mga pasyenteng nalagpasan na ang tagal ng pananatiling sinasaklaw sa ilalim ng mga programang Komersiyal, Medicare, o Medicaid

Ang Pinansiyal na Tulong sa ilalim ng patakarang ito ay dagdag pa sa diskuwento sa mga walang seguro na nakasaad sa aming Patakarang sa Diskuwento para sa Walang Seguro (Uninsured Discount Policy) na maaaring hilingin sa pamamagitan ng pagtawag sa Team ng Pinansiyal na Tulong sa (313) 874-7800.

## **Mga Talahanayan ng Nagagalaw na Antas ng Diskuwento:**

### ***Mga Pasyenteng Walang Seguro:***

Para sa mga kuwalipikadong pasyenteng walang seguro na may kita na mas mababa sa 400% ng FPL, naka-adjust ang responsibilidad ng pasyente sa porsiyento ng pinapahintulatang halaga ng Medicare batay sa talahanayan sa ibaba:

| Kita ng Sambahayan | % ng Rate ng Medicare |
|--------------------|-----------------------|
| 351% - 400% ng FPL | 91%                   |
| 301% - 350% ng FPL | 61%                   |
| 251% - 300% ng FPL | 30%                   |
| < 250% ng FPL      | 0%                    |

Ang mga kuwalipikadong pasyenteng walang seguro na may kita na mas mababa sa 250% ay binibigyan ng 100% diskuwento.

### ***Mga Pasyenteng May Seguro:***

Para sa mga kuwalipikadong pasyenteng may seguro na may kita na mas mababa sa 400% ng FPL, nakadiskuwento ang responsibilidad ng pasyente batay sa talahanayan sa ibaba

| Kita ng Sambahayan | Diskuwentong Ibinabawas mula sa Balanseng Dapat Bayaran |
|--------------------|---|
| 351% - 400% ng FPL | 25%   |
| 301% - 350% ng FPL | 50%   |
| 251% - 300% ng FPL | 75%   |
| < 250% ng FPL      | 100%  |

## **Pamantayan sa Ari-arian:**

Para malaman ang kuwalipikasyon ng pasyente para sa pinansiyal na tulong, gumagamit ang HFH ng nagagalaw na antas ng diskuwento na isinasaalang-alang ang Kita ng Sambahayan at mga kuwalipikadong ari-arian ng pasyente.

Hindi kuwalipikado ang pasyente para sa pinansiyal na tulong sa ilalim ng patakarang ito kung ang mga kuwalipikadong ari-arian ng sambahayan ng pasyente ay may halaga na \$100,000 o higit pa, gaano man kalaki ang kita ng pasyente. Ang mga ari-ariang hindi nakalista bilang protektadong ari-arian ay ituturing na available para sa pagbabayad ng medikal na gastos. Maaaring bilangin ng HFH ang mga sobrang available na ari-arian bilang kita sa kasalukuyang taon pagdating sa pagtukoy ng antas ng diskuwentong iniaalok sa pasyente.

### ***Mga Protektadong Ari-arian:***

- 100% ng unang \$1,000,000 ng equity sa isang pangunahing personal na tirahan; at 50% ng equity sa pangunahing tirahan pagkatapos noon
- IRA, 401k, plano sa pagretiro/pensiyon na may halaga ng salapi
- Mga makatuwirang ari-ariang ginagamit sa negosyo
- Personal na pag-aari
- Mga plano ng pag-iipon para sa kolehiyo

### **Mga Pasyenteng Hindi Kuwalipikado para sa Pinansiyal na Tulong:**

Ang mga pasyenteng walang seguro na hindi nakakatugon sa pamantayan para sa pinansiyal na tulong sa ilalim ng patakaranang ito o sa ibang mga available na programa sa pinansiyal na tulong na iniaalok ng HFH, ay sisingilin para sa serbisyo batay sa rate ng diskuwento para sa mga walang seguro. Para sa higit pang impormasyon, tingnan ang patakaran sa rate ng diskuwento para sa mga walang seguro sa <https://www.henryford.com/visitors/billing>.

Maaaring iapela ng pasyente ang pagtanggap sa kanyang aplikasyon para sa pinansiyal na tulong sa pamamagitan ng pagsulat sa Komite sa Pinansiyal na Tulong ng Henry Ford sa loob ng 30 araw mula sa pagtanggap, sa Pasilidad ng HFH kung saan natanggap ang pangangalaga. Napapailalim ang kuwalipikasyon para sa pinansiyal na tulong sa pag-apruba ng Pamamahala sa Cycle ng Kita ng HFH kasama ang input mula sa mga team ng pangangalaga sa klinika.

Maaaring may mga pagbubukod ayon sa kinakailangan para sa mga espesyal na sitwasyon. Isasaalang-alang ang mga pagbubukod batay sa bawat kaso. Ang anumang gagawing pagbubukod ay hindi nangangahulugan ng pagbabago sa patakaran at hindi rin nito ginagarantiyahan na ilalapat sa hinaharap ang parehong pasiyang ito. Maaaring makipag-ugnayan ang mga pasyente sa amin sa **(313) 874-7800** o sa pamamagitan ng e-mail sa **financialassistanceapp@HFHS.org** kung may mga karagdagang tanong sila tungkol sa kanilang aplikasyon para sa pinansiyal na tulong.

### **Mga Limitasyon sa Mga Singil para sa Mga Pasyenteng Kuwalipikado para sa Pinansiyal na Tulong**

Ang mga pasyenteng kuwalipikado para sa pinansiyal na tulong ay hindi sisingilin ng higit sa AGB para sa pang-emerhensiya at ibang medikal na kinakailangang pangangalaga at hindi higit sa mga kabuuang singil para sa lahat ng ibang medikal na pangangalaga. Ang bawat Pasilidad ng HFH ay gumagamit ng look-back method para kalkulahan ang isa o higit pang porsiyento ng AGB. Ang porsiyento ng AGB ay kinakalkula sa pamamagitan ng paghati ng kabuuan ng lahat ng bayad para sa serbisyo ng Medicare at mga pribadong insurer ng kalusugan na nagbayad ng mga claim sa Pasilidad ng HFH sa loob ng 12 buwan, sa kabuuan ng mga kaugnay na kabuuang singil para sa mga claim na iyon.

### **Pag-apply para sa Pinansiyal na Tulong:**

Ang mga pasyente at/o Tagapaggarantiya ay maaaring mag-apply para sa pinansiyal na tulong anumang oras hanggang 240 araw pagkatapos ibigay ng HFH sa pasyente at/o Tagapaggarantiya ang unang pagsingil. Bilang tugon, ipoproseso ng HFH ang aplikasyon at tutukuyin ang kuwalipikasyon sa loob ng 30 araw sa kalendaryo pagkatapos na matanggap ang kumpletong aplikasyon. Aabisuhan ang indibidwal sa pamamagitan ng sulat tungkol sa pagtukoy at batayan ng pagtukoy.

Para maging kuwalipikado para sa pinansiyal na tulong, dapat kumpletuhin ng pasyente/Tagapaggarantiya ang aplikasyon sa Pinansiyal na Tulong sa Pasyente. Ang aplikasyon ay available sa website ng Pinansiyal na Tulong ng HFH: <https://www.henryford.com/visitors/billing/financial-assistance>. Ang pasyente ay maaaring magpadala ng kumpletong aplikasyon kasama ang kinakailangang mga dokumento sa HFH Corporate Business Office sa pamamagitan ng koreo o fax para sa pagsusuri. Para sa address at mga numero ng fax ng Pasilidad ng HFH, mangyaring sumangguni sa Appendix A.

Kung hindi ma-download ng pasyente ang aplikasyon sa pamamagitan ng website ng HFH, mangyaring sumangguni sa Appendix A para humiling na magpadala ng papel na kopya sa tirahan ng pasyente. Para suriin ang aplikasyon sa iba't ibang wika, mangyaring bisitahin ang sumusunod na link: <https://www.henryford.com/visitors/billing/financial-assistance/documents>.

Kung may tanong ang pasyente tungkol sa kanyang aplikasyon at/o kailangan niya ng tulong sa pagkumpleto ng aplikasyon, mangyaring tingnan ang Appendix A para makipag-ugnayan sa Pasilidad ng HFH kung saan nakakatanggap ng pangangalaga ang pasyente.

Maaaring kabilang sa mga kinakailangang dokumento ang:

- Ulat ng Pederal na Buwis sa Kita (Federal Income Tax Return) para sa pinakabagong taon ng buwis (Form 1040), kabilang ang lahat ng mga nalalapat na iskedyul
- Mga pinakabagong Pahayag ng Sahod at Buwis (Wage and Tax Statements, Form W-2) at/o Iba Pang Kita (Miscellaneous Income, Form 1099)
- Bagong kopya ng mga pay stub sa nakaraang 2 buwan na may kita mula sa simula ng taon para sa bawat miyembro ng sambahayan o pahayag mula sa employer na nagpapatibay sa kabuuang sahod.
- Katibayan ng ibang kita (ibig sabihin, ari-ariang pinapaupahan, atbp.)
- Bagong kopya ng pahayag ng bangko (bank statement) ng mga checking/savings account para sa nakaraang 2 buwan
- Kopya ng may-bisang lisensya sa pagmamaneho ng Michigan o ID card ng estado ng Michigan
- Kung naaangkop, tugon ng pagtanggap mula sa Medicaid, Healthy Michigan, o Marketplace, at/o dokumento sa COBRA
- Personal na pahayag ng pinansiyal na pangangailangan mula sa pasyente

Inirereserba ng HFH ang karapatang humiling ng mga karagdagang dokumento kung kailangan nito ng higit pang pagpapatunay ng kita at/o paglilinaw batay sa anumang sumusuportang dokumentong ibinigay. Hindi maaaring itanggi ng HFH ang pinansiyal na tulong batay sa kabiguan ng aplikante na magbigay ng dokumento na hindi malinaw na hinihingi ng Patakaran o ng Aplikasyon para sa Pinansiyal na Tulong.

**Mga Pagsingil at Pagkolekta:**

Ang mga pagkilos sa pagsingil at pagkolekta na maaaring isagawa ng HFH para sa hindi pagbabayad ay inilalarawan sa hiwalay na patakaran sa pagsingil sa pasyente at pagkolekta na maaaring makuha nang libre sa pamamagitan ng pakikipag-ugnayan sa Team ng Pinansiyal na Tulong sa (313) 874-7800 o sa website ng Henry Ford Health sa [www.henryford.com](http://www.henryford.com).

**Appendix A:**

| Pasilidad  | Address  | Telepono/Fax #/E-mail   |
|--|--|---|
| <p><b>Henry Ford Health Jackson Hospital</b></p>   | <p>Henry Ford Health Jackson Hospital<br/>Cashier Office<br/>205 N East Avenue<br/>Jackson, MI 49201</p>                                     | <p>Telepono: <a href="tel:3138747800">(313) 874-7800</a><br/>Fax: <a href="tel:2486546439">(248) 654-6439</a></p> |
| <p><b>Henry Ford Hospital and Medical Centers</b></p>                                    | <p>Henry Ford Hospital<br/>Financial Counseling Office<br/>2799 West Grand Blvd.<br/>K-1, West 100 Clinic Building<br/>Detroit, MI 48202</p> | <p>Telepono: <a href="tel:3138747800">(313) 874-7800</a><br/>Fax: <a href="tel:2486546439">(248) 654-6439</a></p> |
| <p><b>Henry Ford Macomb Hospitals</b></p>  | <p>Henry Ford Macomb Hospital<br/>Cashier Office<br/>15855 19 Mile Rd.<br/>Clinton Township, MI 48038</p>                                    | <p>Telepono: <a href="tel:3138747800">(313) 874-7800</a><br/>Fax: <a href="tel:2486546439">(248) 654-6439</a></p> |
| <p><b>Henry Ford West Bloomfield Hospital</b></p>  | <p>Henry Ford West Bloomfield Hospital<br/>Lower-Level Finance<br/>6777 West Maple<br/>West Bloomfield, MI 48322</p>                         | <p>Telepono: <a href="tel:3138747800">(313) 874-7800</a><br/>Fax: <a href="tel:2486546439">(248) 654-6439</a></p> |
| <p><b>Henry Ford Wyandotte Hospital &amp; Henry Ford Medical Center - Brownstown</b></p> | <p>Henry Ford Wyandotte Hospital<br/>Cashier Office<br/>2333 Biddle Ave.<br/>Wyandotte, MI 48192</p>   | <p>Telepono: <a href="tel:3138747800">(313) 874-7800</a><br/>Fax: <a href="tel:2486546439">(248) 654-6439</a></p> |
| <p><b>Henry Ford Kingswood Hospital</b></p>  | <p>Henry Ford Kingswood Hospital<br/>ATTN: Front Desk<br/>10300 West 8 Mile Rd.<br/>Ferndale, MI 48220</p>                                   | <p>Telepono: <a href="tel:3138747800">(313) 874-7800</a><br/>Fax: <a href="tel:2486546439">(248) 654-6439</a></p> |

|  |   |   |
|--|---|---|
| <b>Henry Ford Maplegrove Center</b>                | Henry Ford Maplegrove Center<br>ATTN: Patient Access<br>6773 W. Maple Road<br>West Bloomfield, MI 48322 | Telepono: <a href="tel:(313)874-7800">(313) 874-7800</a><br>Fax: <a href="tel:(248)654-6439">(248) 654-6439</a>   |
| <b>Henry Ford Health Corporate Business Office</b> | Henry Ford Health<br>PO Box 670884<br>Detroit, MI 48267-0884  | Telepono: <a href="tel:(313)874-7800">(313) 874-7800</a><br>Fax: <a href="tel:(248)654-6439">(248) 654-6439</a><br>E-mail: <a href="mailto:financialassistanceapp@HFHS.org">financialassistanceapp@HFHS.org</a> |